

Біз мерекені осылай атап өтеміз!

Қазақ халқы үшін Ұлыстың ұлы күні әрқашан қасиетті, киелі мереке саналады. М.Әуезов атындағы Оңтүстік Қазақстан университетінің әскери кафедрасында жыл сайын Наурыз мейрамы қазақ халқының салт-дәстүрлерімен ұштастыра атап өтіледі. Наурыз мейрамының өскелең ұрпаққа берер тәрбиесі мол.

Қазіргі жаһандану дәуірінде қазақ халқының тамырынан ажырамай ұлттық сана-сезімнің жоғалмауына, ұлттық қндылықтарды қалыптастыруға Наурыз мерекесінің де тигізер септігі орасан зор. Әскери кафедра өз студенттеріне қазақ халқының және елімізде мекен ететін түрлі ұлт пен ұлыс өкілдерінің салт-дәстүрлерін танып білуіне жол көрсетеді. Әскери кафедра бас-

шылығы мен оқытушылар биыл да Наурыз мейрамының жоғары дәрежеде ұйымдастырылуына баса көңіл бөлді.

Студенттермен өткізілетін тәрбиелік жұмыс әдістемесі, сабақтары қазақ халқының салт-дәстүрлерімен, қазақ батырларының ерліктерімен ұштастырылады. Наурыз мейрамы күндері студенттеріміз ағаш отырғызды және отырғызылған ағаштардың түптерін қопсытып, әктеді. Сонымен қатар әскери кафедра төңірегін тазартып, стөндтерін

жаңартып, әскери оқу техникасы мен қару-жарақтарын тексерістен өткізді. Әскери кафедраның дәстүрі бойынша Наурыз мерекесіне арналған «Жебе», «Жауынгерлік бет» қабырға газеттері шығарылды.

Жастарды тәрбиелеуде ұлттық дәстүрлерді көздің қарашығындай сақтап, жас ұрпаққа дұрыс бағыт-бағдар берудің маңызы зор. М.Әуезов атындағы Оңтүстік Қазақстан университетінің әскери кафедрасы запастағы офицерлерді даярлайды.

**Жеңіс ИБАТОВ,
М.Әуезов атындағы
Оңтүстік Қазақстан
университеті әскери
кафедрасының оқытушысы,
запастағы майор.**